

Na osnovu člana 154. Zakona o zdravstvenoj zaštiti («Službene novine Federacije BiH» br. 46/10 i 75/13), Pravilnika o specijalizacijama i subspecijalizacijama zdravstvenih radnika i zdravstvenih saradnika („Službene novine Federacije BiH“ br. 75/20 i 99/21), Pravilnika o kriterijima za prijem specijalizanata („Službene novine Federacije BiH“ br. 102/13, 55/14 i 99/19), Ugovora o finansiranju specijalizacija dodjeljenih JU Dom zdravlja Kantona Sarajevo broj:01-03-04-03-4443/23 od 18.09.2023. godine, Pravilnika o stručnom obrazovanju i usavršavanju u JU Dom zdravlja Kantona Sarajevo broj:01-01-695-126/21 od 14.06.2021. godine i Odluke generalnog direktora o raspisivanju javnog konkursa za prijem specijalizanata na specijalizaciju broj:01-03-30-16-5141/23 od 17.10.2023.godine, Javna ustanova Dom zdravlja Kantona Sarajevo, objavljuje

K O N K U R S

ZA IZBOR I PRIJEM KANDIDATA NA SPECIJALIZACIJU

- 1. Porodična medicina - 10 (deset) specijalizacija**
- 2. Pedijatrija - 10 (deset) specijalizacija**
- 3. Pulmologija - 3 (tri) specijalizacije**
- 4. Klinička radiologija – 2 (dvije) specijalizacije**
- 5. Fizikalna medicina i rehabilitacija - 4 (četiri) specijalizacije**
- 6. Oftalmologija i optometrija – 2 (dvije) specijalizacije**

Kandidati treba da ispunjavaju sljedeće opšte zakonske uslove:

- visoka stručna sprema, Medicinski fakultet
- položen stručni ispit
- važeće odobrenje za samostalan rad – licencu izdatu od strane nadležne komore
- radno iskustvo od najmanje godinu dana od položenog stručnog ispita
- poznavanje jednog stranog jezika

Kandidati su dužni dostaviti sljedeće dokaze:

- svojeručno potpisanu prijavu na javni konkurs sa rednim brojem i nazivom specijalizacije za koju se prijavljuje,
- biografiju sa adresom i kontakt podacima,
- uvjerenje o državljanstvu za državljane BiH, a za strane državljane dokumentacija u skladu sa Zakonom o zapošljavanju stranaca („Službene novine FBiH“ broj:111/12)
- diplomu o završenom fakultetu,
- uvjerenje o položenom stručnom ispitu,
- uvjerenje poslodavca o radnom iskustvu
- odobrenje za samostalan rad – licenca
- dokaz o poznavanju jednog stranog jezika

Radi utvrđivanja redosljeda kandidata u skladu sa Pravilnikom o stručnom obrazovanju i usavršavanju u JU Dom zdravlja Kantona Sarajevo, kandidati su dužni dostaviti i sljedeće dokaze:

- dokaz o dužini trajanja studija (ukoliko je dužina studija iz opravdanih razloga produžena, dostaviti dokaz),
- uvjerenje o prosječnoj ocjeni studija,
- dokaz o ostvarenim nagradama za vrijeme studija,
- potvrdu/uvjerenje o radnom stažu nakon ispunjenja uvjeta za specijalizaciju, za svaku navršenu godinu rada.

Kandidati koji apliciraju za dodjelu specijalizacije iz porodične medicine, ukoliko su završili program dodatne edukacije iz porodične medicine, dužni su pored gore navedene dokumentacije, dostaviti i dokaz o završenoj edukaciji iz porodične medicine (PAT), u cilju skraćenja dužine trajanja specijalizacije.

Kandidati su dužni uz prijavu priložiti originalne dokumente ili ovjerene fotokopije dokumenata, kao dokaz o ispunjavanju uslova, traženih ovim Konkursom. Uvjerenje o državljanstvu ne smije biti starije od 6 mjeseci od dana izdavanja od strane nadležnog organa.

Ukoliko kandidat želi da konkuriše na više pozicija potrebno je dostaviti prijavu i tražene dokumente za svaku poziciju na koju konkuriše na način kako je to predviđeno Konkursom.

Svi kandidati koji ispunjavaju uslove Konkursa biće bodovani u skladu sa kriterijima iz člana 33. i 34. Pravilnika o stručnom obrazovanju i usavršavanju Javne ustanove Dom zdravlja Kantona Sarajevo broj:01-01-695-126/21 od 14.06.2021. godine i sa njima će biti obavljen intervju, a o terminu održavanja intervju kandidati će biti blagovremeno obavješteni.

Prijave sa traženim dokumentima, kao dokazom, dostavljaju se lično ili preporučeno putem pošte u zatvorenoj koverti na protokol ustanove na adresu

JAVNA USTANOVA DOM ZDRAVLJA KANTONA SARAJEVO

Ul. Vrazova br. 11

71 000 Sarajevo

Bosna i Hercegovina

Sa naznakom: "Konkurs za izbor kandidata za dodjelu specijalizacija, Pozicija ___ (navesti broj pozicije na koju se prijavljujete) – NE OTVARAJ"

Konkurs ostaje **otvoren 15 (petnaest) dana od dana objavljivanja u dnevnim novinama.**

Nepotpune, neblagovremene i nepotpisane prijave neće se razmatrati, a Javna ustanova Dom zdravlja Kantona Sarajevo nije u obavezi vraćanja dokumentacije koja se prilaže uz prijavu.